



INATSISARTUNI

Partii Inuit
Randi Broberg

UPA 2014/169-1
13.5.2014

PILLUGU: Issittoq atomip nukinganik atuiffiunngitsoq pillugu politikimik suliniuteqaqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Sara Olsvig, Inuit Ataqtigiit)

Siunnersuutikkut ujartorneqarpoq, Naalakkersuisut peqquneqassasut Isittup Avannarliup pinngoqqaatit atorlugit nukissiorfinnik atuiffiunnginnissaa pillugu, naalackersuinikkut siunnerfilersoqqullugit.

Soorlu UPA 2014 Immikkoortoq 173 qanittukkut eqqartorneqarmat tusareeripput, Naalakkersuisut akissuteqaamminni aammaloorlutik DK'imi naalackersuisut naliliinerat tunngavigaat – tassa Isittup Avannarliup pinngoqqaatit atorlugit nukissiorfinnik atuiffiunnginnissaanik isuma piviusorsiortuunngitsoq. Taamalu Naalakkersuisuniit siunnersuut ilalernartinneqanngitsoq.

Partii Inuit isumaqarpugut tamanna takutitsisoq, ukiuni makkunani Nunarsuarmioqataanitta nipitunerujartuinnartumik suaarutigineqartarneranut atasumik akisussaaffimmik qimarratiginninnerusoq.

Partii Inuit pissusissamisoortinngilarput, Nunarsuarmioqataajartornerput naleqqussarnissamik uagutsinnuinaq piunasaqarfiussappat.

Partii Inuit qularutiginnilarput, Nunarsuarmioqataajartornerput aamma uagutsinnut pisussaaffiliimmat akisussaaffiliillunilu.

Naalagaaffiit aningaasarsiorneq sulilu aningaasarsiorneq kisiat tunngavigalugu akisussaassuseqanngitsutullu pissusilersornerinni, soorngunami akisussaaqataanerput nassuerutigalugu taama ingerlatsineq isummerfigisariaqarparput, pinngortitamillu sunnguamilluunniit eriaginnigani atuineq ilumut maleruuffigiinnassanerlutigu.

Partii Inuit paasivarput siunnersuutikkut ujartorneqarmat, tunngaviusumik isummertoqarnissaa.

Tunngaviusumik isummerneq imaangilaq allaffissornikkut nukippassuarnik pinngitsoorani atuiffiussasoq. Tassaallunili naalackersuinikkut siunnerfimmik erseqqissaaneq.

Partii Inuit pingaartipparput Nunatsinni Naalackersuinikkut oqariartuuteqarnissarput – Nunarsuarmioqataanitsinni akisussaaffittut isigalugu.



INATSISARTUNI

Partii Inuit taama oqaaseqarluta innersuussutigaarput, siunnersuutip akuerineqarnissaa.